

کتاب طیب

اون بش کونده بر فتر اولنور دینی ، علمی مجموعه اسلامیه در

صاحب و مدیر مسئولی

ابو العلاء زین العابدین

تاریخ تأسیسی

۱۳۳۰

عدد : ۱۱ ۲۸ شوال سنه ۱۳۳۰ پنجشنبه ۲۷ ایلول ۱۳۲۸ برنجی جلد

بقای سلطنت عثمانیه

ایکمی باب

سلطنت و امارتک الی آخر الزمان آل عثمان ایدهم الملك الرحمن حضراتنده بقاسنه دائر
وارد اولان احادیث شریفه حقندہ در .

امام سیوطی جامع صغیرده حرف الفانک اولنده شو حدیث نبوی بی تخریج ایلمشدر :
« فارس نطحة او نطحتان ثم لافارس بعد هذا ابدا والروم ذات القرون کما هلك قرن خلفه
قرن اهل صبر واهله لا آخر الدهر هم اصحابکم مادام فی العیش خیر »

شارح مناوی بو حدیث شریفک شرحنده دیمشدرکه « فارس » ایله مقصود اهل
فرسدر . « نطحة او نطحتان ثم لافارس بعد هذا ابدا » ایله ده مراد ، اهل فرس اهل
اسلام ایله بر ایکی مقاتله و محاربه ایلدکدن صکره ملک و سلطنتی زائل اولور دیمکدر .
« والروم ذات القرون » جمله سندکی قرون [قرن] ک جمعی در . قرن : یوز یا خود سکسان
سنه در . « کما خلفه قرن اهل صبر واهله لا آخر الدهر هم اصحابکم مادام فی العیش خیر »
فقره سندکی [اصحابکم] ایله مراد ، رومک عرب اوزرینه الی آخر الدهر سلطنت و امارتلی
اوله جقدر دیمکدر . مناوی نک شرحی بوراده نهایت بولدی .

للمترجم — مناوی نک بو شرحنه کوره حدیث شریفک مأل عالیسی : اهل فرس
مسلمین ایله بر ایکی کره حرب و قتال ایدرلر ، صکره سامان ملک و دولتری زائل و جمعیت
و سلطنتلی کلیاً مضمحل اولور . روم ایسه قرن و عصر لرجه سوروب بر قرن منقرض
اولنجه اهل صبر اولان دیکر قرن اکا خلف اوله جقدر و عیش و زندکانیده خیر قالدقجه
سزک الی آخر الدهر یاران و اصحابکز یعنی الی الابد سلاطین حکمفرما کز اهل رومدر .

انتهی

کتاب الاشاراتده بوجه آتی ذکر اولمشدر : امام احمد رضی الله عنه ابوالدرداء
حضر تدرندن رسول اکرم صلی الله علیه وسلم افندمزک شوبله بیوردیغی روایت ایلدی :
فسطاط المسلمین یوم الملاحمة بالقوطة الی جانب مدینة یقال لها دمشق الشام من خیر مداین

الشام = يوم ملحمه مسلمينك اجتماع ايدہ جکلری شهر خير مديان شامدن دمشق الشام دينيلن بلده جهتنه طوغری غوطه ناحیه سنده در . وینه امام احمد ، جبیر بن نفيلك اصحاب محمد رضی الله تعالى عنهم زه شو قول نبوی بی تحدیث ایلدیلر دیدیکنی اندن روایت ایستی : ستفتح علیکم الشام فاذا خيرتم المنازل فيها فعليکم بمدينة يقال لها دمشق فانها معقل المسلمين من الملاحم وفسطاطها منها بارض يقال لها الفوطه = شام سزه فتح اولنه جقدر ، ایدمی اوراده اقامت ایچون تخیر اولندیفکزر زمان دمشق دینیلن بلده بی انتخاب ایتمی سکزددر ، زیرا بلده مذکورہ مسلمینک ملحمه لردن التجا کاهیدر و محل اجتماعلری ذکر اولنان بلده نک غوطه اطلاق ایدیلن موضعنده در . صاحب اشارتک سوزی بوراده بیتدی .

« فسطاط » فانك ضمی و کسریله اوبه در ، یاخود هر مدینه جامعه در . « ملحمه » میمک فتحی و لامک سکونیله قتال شدیددر . « غوطه » غینک ضمی ، واوک سکونی ، طانک فتحی ایله دمشق نواحی اربعه مسندن شرق جهتنده بر ناحیه در . « معقل » مسجد و زننده زمان دهشتنا کده ناسک التجا ایلدیکی ملجأ در .

للمترجم — عاصم افندی مرحوم قاموس ترجمه سنده « غوطه » کلمه نک شرحنده شو آهنگ ایله دمساز اولیور : غوطه غینک ضمی ایله دمشق شهرینک یاخود کوره وقضاسنک اسمی در . شارح دیرکه هربری جویبار و سبز مزار و باغ و بستان و گلستان اولغله جنان اربعه دنیانک بریسیدر . غوطه دمشق ، سفد سمرقند ، ابله بصره ، شعب یوان مشهوردر . سفد کلمه نک شرحنده دخی خامه بر صفاسیله شوق آور اهل اذواق اولمشدر : السغد ، سینک ضمی و غین معجمه نک سکونیله سمرقند ترابنده مفرح باغ و بساتین دلکشا و مثمر اشجار بر صفای مشتمل اما کن زهتفزا اسمی در . معلوم اوله که اشبو وادی سفد سمرقنددن بخارا جانبیه سکزر مرحله قدر ممتد اولوب جمله اشجار مشتبکه و انهار جاریه و چنزار یرلردر . بو وادینک وسطی قریه لر و باغ و باغچه لر و دلکشا بستانلر ، ایکی جانبی مزارع و ماوایی مراعی و مراقد در . آقار صولر کنارنده چنستان و باغچه لر ایچره قصور دلستان و حوضلر و نشینمکاهلر ایلمشار . اول قدر مسافه بالجله مسیرة زهتکاهدر . بالجله خیابان اولغله ایراقلرده اولان قریه لر اوزرینه و ارمایچه نمایان اولماز . . .

ایمدی روایات مذکورہ ایلہ آخر الزماندہ ملحمہ لک انجق ارض شامدہ و مجمع عظیم
دخی انجق دمشق الشام ایلہ نواحیسی اولهجنی تحق ایتش و بوجمع عظیمک زمام سیاست
و اداره سی یدمؤید شوکتہ مفوض ہر پادشاہ ذیشان اولمق لایلد اولوب روم دولتنک ایسہ
الی آخر الدھر عرب اوزرینہ فرمانفرما اولهجنی آنفا طراز دیباجہ بیان اولان حدیث شریفک
مضمون صدق نمونی ایلہ مستدل اولدینی اوزرہ شوملحمہ کبرادہ دخی تاج زرین سلطنتک
ہامہ آل عثمانہ برق انداز سطوت اولهجنی تأید ایدرک آل عثمان ایدہمہا تعالی بالنصر الی نہایہ
الدوران حضراتنک ملک و سلطنتلری الی الابد پایدار اولهجنی صادق امین علیہ افضل الصلاۃ
و السلام افندمنک اخبار مکاشفہ آثار نبویلرندن ظاہر و نمایان اولمشدر .

برکت زاده اسماعیل حقی



حقوق

امتحان حاضر لقلری

۸

مقروضہ تفریقہ اراضی مخصوصہ لری

— مابعد —

غرس :

قانون شو تصرفی مأمورك (صاحب ارضك) حقیقی و یا حکمی اذنتہ مقارن بولنق شرطیلہ
معتبر طوتیور . بوقہ حد ذاتندہ متصرف غرسدن ممنوعدر . زیرا : ۱ — ارض میریدہ اصل
و ملنزم و میری بہا ک زیادہ نافع تصرف زرعددر . غرس ؛ متصرفک مأذون بولندی اتفاعک مافوقی در .